

7/500 APROBACIÓN DO GASTO PARA BOLSAS DE AXUDAS ECONÓMICAS INDIVIDUAIS PARA PERSOAS CON TALENTO DEPORTIVO-EXERCICIO 2024.-

Examinado o expediente tramitado para os efectos e visto o informe proposta da Administrativa adscrita a Deportes, do 15 de novembro de 2024, conformada polo Tenente de Alcaldesa Delegado da área respectiva, na parte expositiva do cal se fai constar:

“Para impulsar a práctica deportiva, o Excmo. Concello de Lugo, a través da Área de Dinamización Económica e Relacións Institucionais, convoca bolsas para a promoción e difusión do deporte, sendo consciente das dificultades dos e das deportistas lucenses de modalidades individuais -especialmente nas etapas de iniciación- para progresaren na súa formación integral, de conformidade co disposto na Lei 38/03, de 17 de novembro, Xeral de Subvencións, e na Lei 9/07, de 13 de xuño, de Subvencións de Galicia e na Ordenanza Xeral de Subvencións do Excmo. Concello de Lugo.

Vistos:

- Certificación do Órgano de xestión económico-financieira de 22/10/2024, de existencia de crédito, na aplicación orzamentaria 34100.48100 do vixente orzamento xeral polo importe de 26.000,00 € (nº de operación: 202400070235).
- Informe-proposta da Sección de Deportes, de 07/11/2024, sobre a aprobación das Bases Xerais Reguladoras para a concesión de bolsas de axudas económicas individuais para o exercicio 2024 para persoas con talento deportivo así como a aprobación do gasto de 26.000 €.
- Informe nº 2024/1605, de 13/11/2024, de fiscalización previa limitada, emitido con carácter favorable con observacións.
- Informe-proposta da Sección de Deportes, de 11/11/2024, sobre a aprobación das Bases Xerais Reguladoras para a concesión de bolsas de axudas económicas individuais para o exercicio 2024 para persoas con talento deportivo así como a aprobación do gasto de 26.000 € unha vez subsanadas as observacións establecidas polo Servizo de Intervención.”

A Xunta de Goberno Local, con base na referida proposta e por unanimidade de todos os seus membros presentes, **ACORDA:**

PRIMEIRO.- A aprobación das “BASES REGULADORAS DA CONVOCATORIA DA SECCIÓN DE DEPORTES DO EXCMO. CONCELLO DE LUGO PARA A CONCESIÓN DE BOLSAS DE AXUDAS ECONÓMICAS

INDIVIDUAIS PARA PERSOAS CON TALENTO DEPORTIVO-EXERCICIO 2024”, en virtude das seguintes cláusulas:

PRIMEIRA.- OBXECTO DA CONVOCATORIA

Esta convocatoria ten por obxecto regular para o exercicio 2024 a concesión de bolsas de axudas económicas en réxime de concorrencia competitiva, para deportistas individuais con talento que ao longo da tempada 2023 destacaran pola súa participación en eventos deportivos con resultados relevantes, a nivel autonómico ou nacional, co fin de apoiar a promoción, práctica e mellora do rendemento deportivo nas respectivas modalidades, así como a valoración do esforzo académico, de conformidade co disposto na Lei 38/03, de 17 de novembro, xeral de subvencións, e na Lei 9/07, de 13 de xuño, de subvencións de Galicia, e na Ordenanza Xeral de Subvencións do Excmo. Concello de Lugo.

SEGUNDA.- CONTÍA E CRÉDITO ORZAMENTARIO.

Esta convocatoria conta con crédito orzamentario de **26.000,00 €**, e convócanse con cargo á aplicación orzamentaria 34100.48100.

TERCEIRA.- REQUISITOS DAS PERSOAS SOLICITANTES

Poderán ser beneficiarios das bolsas de axudas da presente convocatoria as persoas físicas que sexan deportistas federados, de calquera categoría dentro das modalidades deportivas individuais.

Os solicitantes deberán cumprir os seguintes requisitos:

1.- Ser deportista afeccionado/a, nado/a entre 2005 e 2010, inclusive (exceptuando deportistas con discapacidade para os/as que non haberá límite de idade).

2.- Estar federado/a no período 2023 e manter na data de presentación da solicitude licencia federativa oficial na disciplina ou modalidade para a que se solicita a axuda, nun club do Concello de Lugo. Excepcionalmente, admitiranse as solicitudes de deportistas que non estén de alta en ningún Club do Concello de Lugo, sempre e cando non exista deporte ou nivel na disciplina deportiva neste Concello. **Neste caso, deberá aportarse obrigatoriamente unha certificación da Federación correspondente que acredite expresamente que no ano 2023 non**

existiu ningún Club no Concello de Lugo que practicase a disciplina deportiva en dito deporte ou nivel polo que se opta á axuda.

3.- Estar empadroad/a no Concello de Lugo dentro do prazo de presentación de solicitudes e como mínimo con alta no padrón municipal dende o 01 de xaneiro de 2023.

4.- Ter acreditados resultados deportivos para valorar referidos á tempada 2023. Dado que as distintas modalidades deportivas teñen un calendario de competicións diferentes, aos efectos da presente convocatoria, establécese como tempada o período que vai dende o 1 de xaneiro de 2023 ata o 31 de decembro de 2023 ambos inclusive.

5.- Carecer de rendas superiores ao Salario Mínimo Interprofesional en vigor no momento da publicación das presentes bases no Boletín Oficial da Provincia de Lugo.

6.- Estar ao corrente nas obrigas tributarias coa facenda estatal e local, así como estar ao corrente das obrigas coa Seguridade Social.

7.- Non estar incurso/a en prohibición para obter a condición de beneficiario/a das subvencións de conformidade co artigo 13 da Lei 38/2003, do 17 de novembro, xeral de subvencións.

CUARTA.- MÉRITOS DEPORTIVOS A VALORAR:

Para poder ser beneficiario da bolsa regulada nesta convocatoria, deberase acreditar mediante o correspondente certificado da Federación, a consecución **dun só dos seguintes postos ou resultados deportivos individuais segundo a táboa de criterios que figura na CLÁUSULA QUINTA** destas bases, durante o exercicio **2023** e referidos á disciplina ou modalidade deportiva para a que solicita a axuda, e que deberá estar recollido no calendario da propia Federación como tal (Campionato de España ou Campionato Galego):

- Campionato de España: Do 1º ao 8º posto (ambos inclusive).
- Campionato de Galicia: Do 1º ao 3º posto (ambos inclusive).

ACTAS E GOBERNO

JDR/cvr

Refº: ispac6551205544769806195.doc

Asunto: XUNTA DE GOBERNO LOCAL DO 20-11-2024

O resultado que conste no certificado será exclusivamente de probas consideradas oficialmente “Campionato de España” ou “Campionato Galego” (non fases, resultados parciais de probas combinadas, ligas, etc) e sempre que non exista un Campionato superior nesa categoría.

O Certificado da Federación deberá conter **obrigatoriamente** a información prevista no apartado 2.c) da CLÁUSULA SEXTA. A estos efectos poderase presentar debidamente cuberto e asinado pola Federación correspondente, o Anexo III previsto nestas bases.

QUINTA.- CRITERIOS DE VALORACIÓN E DISTRIBUCIÓN DA BOLSA

Os criterios de valoración serán os seguintes:

1. Por estar clasificado/a no Campionato de España, os seguintes puntos:

1º POSTO	6 PUNTOS
2º POSTO	5 PUNTOS
3º POSTO	4 PUNTOS
4º POSTO	3 PUNTOS
5º POSTO	2,5 PUNTOS
6º POSTO	2 PUNTOS
7º POSTO	1,5 PUNTOS
8º POSTO	1 PUNTO

2. Por estar clasificado/a no Campionato Galego, os seguintes puntos:

1º POSTO	3 PUNTOS
2º POSTO	2 PUNTOS

3º POSTO	1 PUNTO
----------	---------

3. Calquera dos anteriores, sendo ademais deportista feminina: 0,5 puntos.

4. Calquera dos anteriores, sendo ademais persoa con discapacidade: 0,5 puntos.

5. Calquera dos anteriores, e ademais superación do curso académico do ano 2023 (**curso 2022/2023**): 0,5 puntos.

Nos criterios de valoración dos apartados 1 e 2 (puntuación relativa aos Campionatos de España e Galego) só se puntuará un único resultado individual.

Unha vez valoradas todas as solicitudes, o valor do punto será o resultante de dividir o total do crédito orzamentario de que dispoñemos para esta convocatoria (**26.000,00 €**) entre a suma total dos puntos acadados por todos os deportistas.

A cuantía da axuda individual será a resultante de multiplicar o valor punto obtido polo puntos adxudicados a cada deportista.

O límite máximo da axuda individual para cada deportista non poderá superar o importe de 1.500,00 €.

SEXTA.- FORMA E PRAZO DE PRESENTACIÓN DE SOLICITUDES

1.- As solicitudes (segundo modelo oficial que figura no ANEXO I) presentaranse no Rexistro Xeral do Concello de Lugo ou ben utilizando os medios establecidos na Lei 39/2015, do 01 de outubro, do Procedemento Administrativo Común das Administracións Públicas, no prazo de **10 DÍAS HÁBILES**, contados dende o día seguinte ao da publicación do extracto da convocatoria no BOP. O seu texto íntegro publicarase no boletín oficial da provincia (BOP) e na paxina web do Concello de Lugo (<http://concellodelugo.gal>), debendo inserirse asimesmo no "Portal de Transparencia e Bo Goberno" do Concello de Lugo (Sede Electrónica <https://lugo.gal>). Ditas solicitudes acompañaranse dos documentos e informacións que se sinalan no apartado 2 desta cláusula, agás que xa estivesen en poder do Concello, facendo constar neste caso a data e dependencia ou órgano ante o que se presentaron, e non poderán ter transcorridos máis de cinco anos dende a

finalización do procedemento ao que correspondan. Cada deportista só poderá presentar unha única solicitude e optar a unha única bolsa, independentemente do número de modalidades deportivas que practique.

2.- A persoa interesada deberá acompañar á solicitude a seguinte documentación:

a.- Fotocopia do DNI da persoa solicitante é, de ser o caso, do representante legal e documento que acredite a representación (no caso de ser menor de idade deberán achegar ademáis copia do Libro de familia e do DNI do pai/nai/titor legal e asinar todos os Anexos xunto ao solicitante).

b.- No caso de persoas con discapacidade, acreditación expedida polo Organismo competente **vixente** no momento da presentación da solicitude.

c.- Certificación expedida pola respectiva Federación, que deberá conter **obrigatoriamente** a seguinte información:

- Nome, apelidos e DNI do deportista.
- Que o deportista estivo en posesión, no ano 2023 e ata a actualidade, de licenza federativa oficial.
- Que o deportista pertenceu no ano 2023 e ata a actualidade, a un Club do Concello de Lugo (especificar nome do Club). No caso de deportistas que non estén de alta en ningún Club do Concello de Lugo, sempre e cando non exista disciplina deportiva nese deporte ou nivel neste Concello, deberá acreditar expresamente a Federación que no ano 2023 non existiu ningún Club no Concello de Lugo que practicase a disciplina deportiva de este deporte ou nivel pola que se opta á axuda.
- No caso de deportistas con discapacidade, que compite na modalidade de discapacidade.
- Que o deportista non está cumprindo sanción firme por infracción en materia deportiva.
- Resultado deportivo a valorar, tendo en conta os criterios e puntuacións establecidos na cláusula quinta destas bases.

- Que o resultado que consta no certificado é exclusivamente de probas consideradas oficialmente “Campionato de España” ou “Campionato Galego” (non fases, resultados parciais de probas combinadas, resultados de probas clasificatorias, ligas **ou calquer outro que non sexa considerado e denominado CAMPIONATO DE ESPAÑA OU GALEGO**, e que non existe un Campionato superior nesa categoría.
- Datos da persoa asinante do certificado.

A estos efectos poderán presentar debidamente cuberto e asinado pola respectiva Federación, o Anexo III previsto nestas bases.

No caso de discrepancia entre os datos que consten no certificado da Federación e os aportados polo solicitante no apartado de “Datos deportivos” do Anexo I, terase en conta o resultado que conste no certificado da Federación.

d.- Acreditación da superación do curso académico (**ano 2023; curso 2022/2023**).

e.- Declaración xurada da existencia ou non doutras axudas solicitadas ou concedidas por ésta ou por outras Administracións. No caso de existir, indicarse a Entidade e contía (ANEXO II).

f.- Declaración responsable de non atoparse inhabilitado/a ou estar incurso/a en prohibición para acceder á condición de beneficiario/a de subvencións do Concello de Lugo, de conformidade co establecido no artigo 13 da Lei 38/2003, xeral de subvencións. (ANEXO II).

g.- Declaración responsable de atoparse ao corrente no cumprimento das súas obrigas tributarias, incluíndo as municipais e fronte á Seguridade Social (ANEXO II).

h.- No caso de deportistas de idade igual ou superior aos 16 anos, certificado da declaración do Imposto sobre a Renda de Persoas Físicas do último exercicio ou, no caso de non realizar dita declaración, certificado do nivel de renda do último exercicio. Poderanse solicitar a través da Sede Electrónica da Axencia Tributaria no enlace

<https://sede.agenciatributaria.gob.es/Sede/procedimientoini/G306.shtml>.

i.- Certificado bancario **actualizado** do número de conta da persoa beneficiaria, no que figurará o deportista solicitante como titular.

Toda a documentación deberá presentarse en formato PDF. Non se admitirán documentos en archivo de imagen (“xpg” ou similar), os cales se terán por “non presentados”.

A solicitude e demais Anexos a presentar figurará a disposición dos interesados no seguinte enlace: <https://concellodelugo.gal/gl/tramites/subvencions-para-persoas-con-talento-deportivo> . Deberase comprobar previamente que os documentos que figuran na páxina mencionada se corresponden coa anualidade para a que se convocan estas bolsas.

SÉTIMA.- AVALIACIÓN DAS SOLICITUDES

Presentadas as solicitudes, e se do exame da solicitude e documentación aportada se deducise que esta está incompleta ou defectuosa, dende a unidade administrativa xestora requiriráselle á persoa interesada para que, no prazo de **DEZ DÍAS HÁBILES**, achegue os documentos preceptivos ou emende a falla, con indicación de que se así non o fixese se lle terá por desistida a súa petición, tras resolución que deberá ser ditada nos termos previstos no artigo 68 da Lei 39/2015, de 1 de outubro, do procedemento administrativo común das Administracións Públicas.

A non presentación da documentación precisa ou a omisión de datos de xeito total ou parcial terá como consecuencia a non valoración dos méritos dentro dos criterios establecidos que non estean suficientemente xustificadas.

Dado o carácter competitivo do procedemento, ADVÉRTESE EXPRESAMENTE que en ningún caso se concederá prazo para a subsanación e mellora da documentación valorable e puntuable, **en concreto o certificado federativo, a superación do curso académico 2022/2023 e a documentación acreditativa de discapacidade no seu caso**; a non acreditación dos criterios para outorgar os puntos establecidos na cláusula quinta "criterios de valoración e distribución da bolsa" implicará a asignación de 0 puntos no respectivo criterio puntuable.

OITAVA.– INSTRUCCIÓN DO PROCEDEMENTO.

O procedemento para a concesión das bolsas previstas nestas bases axustarase ao establecido nos artigos 28, 29 e 30 da Ordenanza municipal de subvencións coas seguintes precisións:

Unha vez que a documentación estea completa, o órgano instrutor, un/unha técnico/a competente do Servizo Municipal de Deportes ou, no seu defecto, a Vicesecretaria, emitirá un informe proposta acerca do cumprimento ou non dos requisitos establecidos nesta convocatoria.

A Comisión de Valoración, constituída para o efecto, terá a seguinte composición:

- Presidente: un/unha funcionario/a ou persoal laboral del Excmo. Concello de Lugo que se designe para estes efectos.
- Vogais: un/unha funcionario/a ou persoal laboral del Excmo. Concello de Lugo que se designe para estes efectos.
- Secretario/a: un/unha funcionario/a ou persoal laboral del Excmo. Concello de Lugo que se designe para estes efectos.

Excepcionalmente, o posto de secretaria/o e vogal poderán ser acumulados na mesma persoa.

NOVENA.- XUSTIFICACIÓN DE GASTOS. DATA LÍMITE.

Conforme ao disposto nos artigos 2.1 b) e 30.7 da Lei 38/2003, de 17 de novembro, Xeral de Subvencións, estas **BOLSAS DE AXUDAS ECONÓMICAS INDIVIDUAIS PARA PERSOAS CON TALENTO DEPORTIVO-EXERCICIO 2024** condiciónanse á circunstancia de que ditas persoas, aos efectos desta subvención, acrediten o seu talento deportivo co cumprimento dos requisitos establecidos na base **TERCEIRA** mediante a entrega da documentación esixida nas mesmas, non sendo necesario polo tanto a presentación de conta xustificativa de gastos.

DÉCIMA.- ÓRGANO COMPETENTE PARA RESOLVER.

O órgano competente para resolver o procedemento é a/o Tenente de Alcaldesa delegada/o de Área e a/o Concelleira/o delegada/o conforme delegación de competencias por Acordo da Xunta de Goberno Local 40/607, de data 26/07/2023,

modificado por Acordo 1/284 de data 19/06/2024. A resolución, ademais de conter o nome do solicitante da bolsa ou relación de solicitantes aos que se concede a axuda, fará constar, se é o caso, de xeito expreso a desestimación do resto das solicitudes.

UNDÉCIMA.- RESOLUCIÓN, PUBLICIDADE E RECURSOS

Con carácter previo á resolución definitiva publicarase unha listaxe provisional de adxudicatarias/os no taboleiro de anuncios do Concello (lugo.gal/portal/tablonanuncios), concedendo un **prazo de 5 días hábiles** para que as/os interesadas/os poderán realizar as alegacións que consideren oportunas.

O prazo máximo para resolver e notificar a resolución do procedemento será de seis meses, contados a partir do día seguinte ao do remate do prazo para presentación de instancias. Transcorrido o dito prazo sen que se adopte resolución expresa, poderase entender desestimada, sen perxuízo da obriga legal de resolver expresamente conforme ao disposto nos artigos 21 e 25 da Lei 39/2015, de 1 de outubro, do Procedemento Administrativo Común.

A aceptación da axuda concedida entenderase efectuada se no prazo de quince días hábiles, contados a partir do seguinte hábil ao da notificación non renunciase a ela expresamente mediante escrito dirixido ao órgano concedente.

Ao abeiro do disposto no artigo 45.1.b) da Lei 39/2015 de 1 de outubro, do Procedemento Administrativo Común das Administracións Públicas, a resolución do procedemento non será obxecto de notificación individualizada aos afectados, senón que será obxecto de publicación no BOP surtindo esta os efectos da notificación, sen perxuízo da obriga de publicación a través da Bases de Datos Nacional de Subvencións no seu caso e no "Portal de Transparencia e Bo Goberno" do Concello de Lugo (Sede Electrónica <https://lugo.gal>).

A resolución definitiva porá fin á vía administrativa e contra ela os/as interesados poderán interpoñer recurso de reposición ante o mesmo órgano no prazo dun mes desde a notificación, ou ben alternativamente recurso contencioso-administrativo, diante do Xulgado Contencioso-Administrativo de Lugo, no prazo de dous meses, contados dese o día seguinte á referida notificación.

DUODÉCIMA.- PAGAMENTO DAS BOLSAS

O pagamento das bolsas farase nun único pagamento previa proposta efectuada polo concelleiro-delegado da Área de Deportes e tras un informe do xefe de servizo de Deportes da Área de Deportes, no que se fará constar a existencia e custodia dentro da Unidade Administrativa, da documentación requirida aos solicitantes.

Non haberá posibilidade de efectuar pagamentos anticipados e aboamentos a conta da bolsa concedida.

DÉCIMO TERCEIRA.- RENUNCIA, REVOGACIÓN E REINTEGRO DE CANTIDADES.

A renuncia á bolsa por parte do beneficiario/a, unha vez iniciado o goce desta, deberalle ser comunicada mediante o correspondente escrito ao/á Alcalde/Alcaldesa-Presidente/a do Concello de Lugo. A renuncia dará lugar á devolución das cantidades percibidas e así mesmo á esixencia do xuro de mora correspondente dende o momento do pagamento da bolsa ata a data na que se acorde a procedencia do reintegro.

A adxudicación das bolsas será igualmente revisada no caso de que se comprobase que na súa concesión concorreu ocultación, falsidade de datos, ou que existen incompatibilidades con outros beneficios desta clase procedentes doutras persoas físicas ou xurídicas de conformidade co establecido no artigo 36 da Lei 38/2003 Xeral de Subvencións e seguintes da Lei 9/2007, de 13 de xuño, de subvencións de Galicia.

A solicitude das bolsas implica o coñecemento e aceptación do disposto nestas bases.

DÉCIMO CUARTA.- COMPATIBILIDADE

As axudas que se outorguen ao abeiro desta convocatoria serán compatibles con outras para o mesmo fin.



Concello de Lugo

ANEXO I: SOLICITUDE DE BOLSAS DE AXUDAS ECONÓMICAS INDIVIDUAIS PARA

PERSOAS CON TALENTO DEPORTIVO - ANO 2024

DATOS DA PERSOA SOLICITANTE

NOME e APELIDOS:		NIF/NIE:	DATA DE NACEMENTO:
ENDEREZO:			CONCELLO:
PROVINCIA:	CÓDIGO POSTAL:	TELÉFONO:	CORREO ELECTRÓNICO:
☐ Autorizo ao Concello de Lugo para que me informe mediante SMS ou correo electrónico do estado desta solicitude así como doutro tipo de avisos relacionados que me poidan resultar de interese.			

ENDEREZO PARA OS EFECTOS DE NOTIFICACIÓN

CANLE PREFERENTE DE NOTIFICACIÓN: ☐ Notificación Telemática ☐ Notificación postal (só se poderá acceder á notificación co certificado electrónico asociado ao NIF da persoa indicada)			
Enderezo postal:			
CONCELLO	PROVINCIA	CÓDIGO POSTAL	ENDEREZO NOTIFICACION TELEMATICA

DATOS DA PERSOA REPRESENTANTE (no caso de persoas con discapacidade ou menores de idade)

NOME E APELIDOS:		NIF/NIE:	DATA DE NACEMENTO:
ENDEREZO:			CONCELLO:
TELÉFONO:		CORREO ELECTRÓNICO:	

DATOS DEPORTIVOS (referidos ao ano 2023):

DISCIPLINA/MODALIDADE DEPORTIVA:	
POSTO ACADADO A VALORAR:	☐ 1º ☐ 2º ☐ 3º ☐ 4º ☐ 5º ☐ 6º ☐ 7º ☐ 8º
CAMPIONADO NO QUE OBTIVO O POSTO:	☐ ESPAÑA ☐ GALICIA
DEPORTISTA FEMININA:	☐ SI ☐ NON
DEPORTISTA CON DIVERSIDADE FUNCIONAL:	☐ SI ☐ NON

SUPERACIÓN CURSO ACADÉMICO:	☐ SI	☐ NON
------------------------------------	-----------------------------	------------------------------

Autorizo ao Concello de Lugo, a comprobar de oficio a circunstancia de estar empadroadada/o no Concello de Lugo. No caso de que o beneficiario da axuda sexa menor de idade, o pai/nai/titor que asina a solicitude é quen ostenta a súa garda e custodia, e outorga consentimento expreso para o acceso aos datos padroais, a teor do disposto no artigo 8 da Resolución do 17 de febreiro de 2020, da Presidencia do INE e da Dirección Xeral de Cooperación Autonómica e Local, pola que se dictan instrucións técnicas aos Concellos sobre a xestión do padrón municipal.

Autorizo, expresamente, ao Concello de Lugo a comprobar das diferentes administracións públicas ou entidades privadas a verificación dos datos e informacións declaradas.

Que de resultar persoa beneficiaria acepto as obrigas sinaladas no artigo 14 da Lei 38/2003, do 17 de novembro, xeral de subvencións, e no artigo 11 da Ordenanza municipal de subvencións.

Lugo, _____ de _____ de _____

Asdo: D./Dña. _____

(sinatura da persoa solicitante ou representante)

NOTA: verifique a documentación que deberá presentar con esta solicitude, segundo os modelos definidos na convocatoria.

Documentación a presentar xunto coa solicitude:

- Fotocopia do DNI da persoa solicitante é, de ser o caso, do representante legal e documento que acredite a representación (no caso de ser menor de idade deberán achegar ademáis copia do Libro de familia e do DNI do pai/nai/titor legal e asinar todos os Anexos xunto ao solicitante).
- No caso de persoas con discapacidade, acreditación expedida polo Organismo competente **vixente** no momento da presentación da solicitude.
- Certificación expedida pola respectiva Federación, que deberá conter **obligatoriamente** a información prevista na cláusula sexta, apartado 2.c). A

ACTAS E GOBERNO

JDR/cvr

Refº: ispac6551205544769806195.doc

Asunto: XUNTA DE GOBERNO LOCAL DO 20-11-2024

estos efectos poderán presentar debidamente cuberto e asinado pola respectiva Federación o Anexo III previsto nestas bases.

No caso de discrepancia entre os datos que consten no certificado da Federación e os aportados polo solicitante no apartado de “Datos deportivos” do Anexo I, terase en conta o resultado que conste no certificado da Federación.

- d. Acreditación da superación do curso académico (ano 2023; curso 2022/2023).
- e. Declaración xurada da existencia ou non doutras axudas solicitadas ou concedidas por ésta ou por outras Administracións. No caso de existir, indicárase a Entidade e contía (ANEXO II)
- f. Declaración responsable de non atoparse inhabilitado/a ou estar incurso/a en prohibición para acceder á condición de beneficiario/a de subvencións do Concello de Lugo, de conformidade co establecido no artigo 13 da Lei 38/2003, xeral de subvencións. (ANEXO II)
- g. Declaración responsable de atoparse ao corrente no cumprimento das súas obrigas tributarias, incluíndo as municipais e fronte á Seguridade Social (ANEXO II).
- h. No caso de deportistas de idade igual ou superior aos 16 anos, certificado da declaración do Imposto sobre a Renda de Persoas Físicas do último exercicio ou, no caso de non realizar dita declaración, certificado do nivel de renda do último exercicio. Poderanse solicitar a través da Sede Electrónica da Axencia Tributaria no enlace <https://sede.agenciatributaria.gob.es/Sede/procedimientoini/G306.shtml>
- i. Certificado bancario actualizado do número de conta da persoa beneficiaria, no que figurará o deportista solicitante como titular.

Toda a documentación deberá presentarse en formato PDF. Non se admitirán documentos en arquivo de imagen (“jpg” ou similar), os cales se terán por “non presentados”.

INFORMACIÓN BÁSICA SOBRE PROTECCIÓN DE DATOS: De conformidade co Regulamento (UE) 2016/679 do Parlamento Europeo e do Consello, do 27 de abril de 2016, e en cumprimento da Lei orgánica 3/2018, do 5 de decembro, de protección de datos e garantía dos dereitos dixitais, os datos obtidos desta

solicitude serán tratados para a tramitación da mesma, baixo a responsabilidade da área tramitadora do procedemento instado, aos indicados fins polo Concello de Lugo e ante quen as persoas afectadas poderán exercer os dereitos de acceso, rectificación, supresión, oposición, limitación do tratamento e portabilidade dos mesmos. Así como a posta de reclamacións ante a autoridade de control. O tratamento de datos queda lexitimado por obriga legal e o consentimento das persoas interesadas. A presentación desta solicitude supón unha clara acción afirmativa en relación ao tratamento dos datos persoais incorporados á mesma. Os datos comunicaranse ás unidades administrativas municipais competentes na materia relacionada coa comunicación realizada e non poderán ser cedidos a terceiros agás nos supostos previstos na normativa vixente sobre protección de datos de carácter persoal.

INFORMACIÓN ADICIONAL SOBRE PROTECCIÓN DE DATOS DE CARÁCTER PERSOAL

Para os efectos previstos no Regulamento (UE) 2016/679 do Parlamento Europeo e o Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e conforme á Lei orgánica 3/2018, do 5 de decembro, de protección de datos e garantía dos dereitos dixitais, proporciónaselle a seguinte información en relación ao tratamento dos seus datos.

RESPONSABLE DO TRATAMENTO:

A información facilitada no formulario é titularidade do Concello de Lugo, domiciliado na Praza maior, nº 1 27001, Lugo. Para calquera información adicional pode realizar calquera consulta a través dos seguintes medios:

- Teléfono: 982 297 100
- Correo electrónico: 010@lugo.gal
- Contacto DPD: dpd.lugo@seguridadinformacion.com

FINALIDADE:

Tramitación da solicitude instada pola/o interesada/o.

LEXITIMACION:

O tratamento dos datos de carácter persoal achegados queda lexitimado por unha obriga legal, de conformidade co artigo 8 da Lei orgánica 3/2018, do 5 de decembro, de protección de datos persoais e garantía dos dereitos dixitais, e atopa o seu fundamento na Lei 39/2015, do 1 de outubro, do procedemento administrativo común das administracións públicas.

DESTINATARIOS:

ACTAS E GOBERNO

JDR/cvr

Refº: ispac6551205544769806195.doc

Asunto: XUNTA DE GOBERNO LOCAL DO 20-11-2024

Os datos comunicaranse ás unidades administrativas municipais competentes en dita materia. Non está prevista a comunicación de datos a terceiros alleos ao Concello nin a transferencia internacional dos mesmos.

DEREITOS:

Calquera persoa ten dereito a obter confirmación sobre se, no Concello de Lugo, están a tratar datos persoais que lles atinxan, ou non.

As persoas interesadas teñen dereito a acceder aos seus datos persoais, así como a solicitar a rectificación dos datos inexactos ou, no seu caso, solicitar a súa supresión cando, entre outros motivos, os datos xa non sexan necesarios para o cumprimento dos fins para os que foron recollidos e no cumprimento da lexislación vixente.

En determinados casos, as persoas interesadas poderán solicitar a limitación do tratamento dos seus datos. Nese caso, unicamente, conservaranse para o exercicio ou a defensa de reclamacións.

En determinadas circunstancias e por motivos relacionados coa súa situación particular, as persoas interesadas poderán opoñerse ao tratamento dos seus datos. O Concello de Lugo deixará de tratar os datos, agás por motivos lexítimos imperiosos ou no exercicio ou a defensa de posibles reclamacións. A persoa interesada ten dereito a recibir os datos persoais que facilitou ao Concello de Lugo nun formato estruturado, de uso común e lectura automatizada. Este último dereito limitárase polas seguintes excepcións:

- a. Que os datos sobre os que recae este dereito, fosen facilitados pola persoa interesada.
- b. Que os datos sexan tratados polo Concello de Lugo de forma automatizada.

Así mesmo ten dereito a retirar o consentimento outorgado, en cuxo caso será efectivo dende o momento no que o solicite, sen ter efectos retroactivos, así como o dereito a reclamar ante a Axencia Española de Protección de Datos (www.aepd.es).

ANEXO II. MODELO DE DECLARACIÓN XURADA PARA OS EFECTOS DE SOLICITAR SUBVENCIÓN

D./Dña (NOME DO DEPORTISTA)

con DNI _____

DECLARO BAIXO XURAMENTO:

1.- Que cumpro todos os requisitos esixidos na presente convocatoria de bolsas de axudas para deportistas individuais con talento deportivo.

2.- Que asumo todos os compromisos reflectidos na referida convocatoria.

1.- Que solicitei e/ou recibín subvencións ou axudas desta ou de outras administracións públicas ou privadas, nacionais ou internacionais, **para a mesma finalidade e anualidade para a que se solicita esta axuda**:

☐ SI ☐ *

☐ NON ☐

* Quen subscribe solicitou / recibiu, ata a data de presentación desta solicitude, as seguintes subvencións ou axudas desta ou de outras administracións públicas ou privadas, nacionais ou internacionais, **para a mesma finalidade e anualidade para a que se solicita esta axuda**

ENTIDADE	ANO SOLICITUDE	CONTÍA	ANO CONCESIÓN **

** De non estar concedida na data de presentación da solicitude, cubrirase NC ("NON CONCEDIDA").

2.- Que está ao corrente das súas obrigas tributarias co Concello de Lugo, coa Axencia Estatal de Administración Tributaria e coa Tesourería Xeral da Seguridade Social. A tal fin, autorizo expresamente ao Concello de Lugo para comprobar das diferentes Administracións Públicas a verificación do cumprimento de ditas obrigas.

3.- Que non se atopa inhabilitada/o nin está incurso/o en ningunha das causas de prohibición sinaladas no artigo 13 da Lei 38/2003, do 17 de novembro, para obter a condición de persoa beneficiaria da subvención.

Lugo, _____ de _____ de _____

Asdo: D./Dña. _____

ACTAS E GOBERNO

JDR/cvr

Refº: ispac6551205544769806195.doc

Asunto: XUNTA DE GOBERNO LOCAL DO 20-11-2024

(sinatura da persoa solicitante, e do seu representante legal no seu caso)

INFORMACIÓN BÁSICA SOBRE PROTECCIÓN DE DATOS: De conformidade co Regulamento (UE) 2016/679 do Parlamento Europeo e do Consello, do 27 de abril de 2016, e en cumprimento da Lei orgánica 3/2018, do 5 de decembro, de protección de datos e garantía dos dereitos dixitais, os datos obtidos desta solicitude serán tratados para a tramitación da mesma, baixo a responsabilidade da área tramitadora do procedemento instado, aos indicados fins polo Concello de Lugo e ante quen as persoas afectadas poderán exercer os dereitos de acceso, rectificación, supresión, oposición, limitación do tratamento e portabilidade dos mesmos. Así como a posta de reclamacións ante a autoridade de control. O tratamento de datos queda lexitimado por obriga legal e o consentimento das persoas interesadas. A presentación desta solicitude supón unha clara acción afirmativa en relación ao tratamento dos datos persoais incorporados á mesma. Os datos comunicaranse ás unidades administrativas municipais competentes na materia relacionada coa comunicación realizada e non poderán ser cedidos a terceiros agás nos supostos previstos na normativa vixente sobre protección de datos de carácter persoal.

INFORMACIÓN ADICIONAL SOBRE PROTECCIÓN DE DATOS DE CARÁCTER PERSOAL

Para os efectos previstos no Regulamento (UE) 2016/679 do Parlamento Europeo e o Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e conforme á Lei orgánica 3/2018, do 5 de decembro, de protección de datos e garantía dos dereitos dixitais, proporciónaselle a seguinte información en relación ao tratamento dos seus datos.

RESPONSABLE DO TRATAMENTO:

A información facilitada no formulario é titularidade do Concello de Lugo, domiciliado na Praza maior, nº 1 27001, Lugo. Para calquera información adicional pode realizar calquera consulta a través dos seguintes medios:

- Teléfono: 982 297 100
- Correo electrónico: 010@lugo.gal
- Contacto DPD: dpd.lugo@seguridadinformacion.com

FINALIDADE:

Tramitación da solicitude instada pola/o interesada/o.

LEXITIMACION:

O tratamento dos datos de carácter persoal achegados queda lexitimado por unha obriga legal, de conformidade co artigo 8 da Lei orgánica 3/2018, do 5 de decembro, de protección de datos persoais e garantía dos dereitos dixitais, e atopa o seu fundamento na Lei 39/2015, do 1 de outubro, do procedemento administrativo común das administracións públicas.

DESTINATARIOS:

Os datos comunicaranse ás unidades administrativas municipais competentes en dita materia. Non está prevista a comunicación de datos a terceiros alleos ao Concello nin a transferencia internacional dos mesmos.

DEREITOS:

Calquera persoa ten dereito a obter confirmación sobre se, no Concello de Lugo, están a tratar datos persoais que lles atinxan, ou non.

As persoas interesadas teñen dereito a acceder aos seus datos persoais, así como a solicitar a rectificación dos datos inexactos ou, no seu caso, solicitar a súa supresión cando, entre outros motivos, os datos xa non sexan necesarios para o cumprimento dos fins para os que foron recollidos e no cumprimento da lexislación vixente.

En determinados casos, as persoas interesadas poderán solicitar a limitación do tratamento dos seus datos. Nese caso, unicamente, conservaranse para o exercicio ou a defensa de reclamacións.

En determinadas circunstancias e por motivos relacionados coa súa situación particular, as persoas interesadas poderán opoñerse ao tratamento dos seus datos. O Concello de Lugo deixará de tratar os datos, agás por motivos lexítimos imperiosos ou no exercicio ou a defensa de posibles reclamacións. A persoa interesada ten dereito a recibir os datos persoais que facilitou ao Concello de Lugo nun formato estruturado, de uso común e lectura automatizada. Este último dereito limitarase polas seguintes excepcións:

- a) Que os datos sobre os que recae este dereito, fosen facilitados pola persoa interesada.
- b) Que os datos sexan tratados polo Concello de Lugo de forma automatizada.

Así mesmo ten dereito a retirar o consentimento outorgado, en cuxo caso será efectivo dende o momento no que o solicite, sen ter efectos retroactivos, así como o dereito a reclamar ante a Axencia Española de Protección de Datos (www.aepd.es).

ANEXO III: CERTIFICADO FEDERATIVO AXUDAS ECONÓMICAS INDIVIDUAIS PARA PERSOAS CON TALENTO DEPORTIVO CONCELLO DE LUGO

D./Dona. _____ con NIF núm. _____

ACTAS E GOBERNO

JDR/cvr

Refº: ispac6551205544769806195.doc

Asunto: XUNTA DE GOBERNO LOCAL DO 20-11-2024

Secretario/a da Federación _____ con NIF núm. _____

Teléfono _____ correo electrónico _____

CERTIFICA que o/a deportista:

D./Dª _____ con DNI núm. -

- Estivo en posesión, no ano 2023 e ata a actualidade, licenza federativa oficial: SI ☐ NO ☐
- Pertenceu no ano 2023 e ata a actualidade, a un Club do Concello de Lugo: SI ☐ NO ☐

NOME DO CLUB:

(Excepcionalmente, admitiranse as solicitudes de deportistas que non estén de alta en ningún Club do Concello de Lugo, sempre e cando non exista o nivel na disciplina deportiva neste Concello. **Neste caso, a Federación deberá acreditar expresamente que no ano 2023 non existiu ningún Club no Concello de Lugo que practicase a disciplina deportiva en dito nivel polo que se opta á axuda).**

- Deportista feminina: SI ☐ NO ☐
- Deportista con discapacidade: SI ☐ NO ☐
(en caso afirmativo compite na modalidade de discapacidade: SI ☐ NO ☐
- Está cumprindo sanción firme por infracción en materia deportiva: SI ☐ NO ☐
- Que o mellor resultado individual do deportista acadado en cada nivel territorial na respectiva disciplina no ano 2023 é o que a seguir se indican:

O RESULTADO SERÁ DE PROBAS CONSIDERADAS OFICIALMENTE "CAMPIONATO DE ESPAÑA" OU "CAMPIONATO GALEGO"; NON SE TERAN EN CONTA RESULTADOS DE FASES, RESULTADOS PARCIALES DE PROBAS COMBINADAS, resultados de probas clasificatorias LIGAS ou calquer outro que non sexa considerado e denominado CAMPIONATO DE ESPAÑA OU GALEGO, E SEMPRE QUE NON EXISTA CAMPIONATO SUPERIOR NA CATEGORÍA POLA QUE SE OPTA AO PREMIO.

	DATA RESULTADO	DISCIPLINA DEPORTIVA	LUGAR/SEDE	MODALIDADE DEPORTIVA	POSTO
--	-------------------	-------------------------	------------	-------------------------	-------

				INDIVIDUAL	ACADADO
CAMPIONATO ESPAÑA					
CAMPIONATO GALEGO					

E para que conste e para os efectos oportunos, declaro que os datos reflectidos son certos e asino a presente certificación co visto e praxe do presidente,

Non serán válidos os certificados cubertos ou modificados a man.

SEGUNDO.- A aprobación do gasto 26.000,00 €, con cargo á aplicación orzamentaria 34100.48100, do orzamento municipal correspondente ao exercicio 2024.

TERCEIRO.- Publicar o anuncio da citada convocatoria no Boletín Oficial da Provincia de Lugo, no Taboleiro de Anuncios do Concello de Lugo e na páxina Web municipal.

CUARTO.- Indícaselles que esta resolución pon fin á vía administrativa, e contra ela pódense interpoñer os seguintes recursos:

- **Recurso Contencioso-Administrativo**, no prazo de DOUS MESES, a contar dende o día seguinte ao da notificación deste acto ante o Xulgado de dita xurisdicción de Lugo (artigos 8 e 46 da Lei 29/1998, do 13 de xullo, reguladora da xurisdicción contencioso-administrativa) así como demais accións legais que estime pertinentes.

Maila o anterior, e con carácter previo poderá interpoñer o **recurso potestativo de reposición**, previsto no artigo 123 da Lei 39/2015 de 1 de outubro, do procedemento administrativo común das administracións públicas ante a Xunta de Goberno Local no prazo de UN MES, contado dende o día seguinte ao da notificación deste acto.

No caso de interposición deste recurso, non poderá interpoñerse recurso contencioso-administrativo ata que sexa resolto expresamente ou se produza a súa desestimación presunta do devandito recurso de reposición (art 123 da Lei 39/2015

ACTAS E GOBERNO

JDR/cvr

Refª: ispac6551205544769806195.doc

Asunto: XUNTA DE GOBERNO LOCAL DO 20-11-2024

do 1 de outubro do procedemento administrativo común das administracións públicas).